



Uunga:

Jens NapâtôK', Naleraq
Inatsisartunut ilaasortaq

§ 37 naapertorlugu apeqqummut nr. 11/2026-mut akissuteqaat

Matumuuna Naalakkersuisut Siulittaasuata Inatsisartut Suleriaasianni § 37 imm. 1
naapertorlugu akissuteqaat nassiuppaa.

Apeqqutigineqartut ataasiakkaat naapertorlugit akineqartassapput.

1. Naalakkersuisut amerikamiut oqartussaasuinut imaluunniit aallartitaannut allakkatigut ersarissumik ataatsimiissimanerminnut, attaveqarsimanerminnut oqalliseqateqarsimanerminnullu nalunaajaasinnaappat, uani piffissaq, peqataasut, oqaluuserisassat, kiisalu politikikkut isummernerit suut, kalerriinerit, qanoq pilersaarnermik nalunaarutit imaluunniit Kalaallit Nunaat sinnerlugu Naalakkersuisut pilersaarusiornermut nalunaarutiginnissimappat?

Akissut:

Paasissutissat ujjartorneqartut tamaasa Naalakkersuisut
tunniussinnaanngilaat, pissutigalugu suliat ilai isertuussassaammata.
Tamanut paasissutissiissutaareersut innersuussutigineqarput.

2. Naalakkersuisut inatsisitigut aamma inatsisartunit tunngavissinneqarsimanertik nassuiarsinnaavaat, taamatut politikikkut saqqummiussinissaminut, Inatsisartunit pisinnaatitsissummik imaluunniit Inatsisartunut peqataatitseqqaartigatik?

Akissut:

Sulineq tunngaviusumik tunngavilersuutinik soorlu killeqarfinnik,
namminersortuunermik namminerlu aalajangiisinnaassuseqarnermut il.il.
illersuinerimik imaqarpoq pingaarnertullu nunatta tiguarneqannginnissaanut
sammisinneqarluni. Imaappoq pisinnaatitaaffeqartunik soorlu Inatsisartunik
Naalakkersuisunillu illersuineruvoq. Illersuineq pineqartoq Naalakkersuisunit
suliassaavoq annerpaaq.

3. Naalakkersuisut uppersarsinnaanerlugu oqallinnerminni uku pisimangitsut: neriorsuinerit, neriorsuummik suliaqarneq, imaluunniit toqqaannartumik politikikkut nalunaarutiginninnerit imaluunniit Kalaallit Nunaannik politikikkut toqqaannangitsumik pisussaaffiliinerit, aningaasatigut, sillimaniarnermut politikikkut pilersaarusiornermut tunngasut Inatsisartut aalajangiinissaannut peqataateqqaarnagit?

Akissut:

Aap, tamanna Naalakkersuisut uppersarsinnaavaat.

02-02-2026
Suliap normua:
All. normua. 26177469

Postboks 1015
3900 Nuuk
Oq. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl
I

4. Naalakkersuisut - Inatsisartut aqutsisussaananerannut nakkutilliisussaananerallu eqqarsaatigalugu -naleqquttutut isigaat Inatsisartut, illuatungiliuttut partiit ilanngullugit - Inatsisartutigoortumik piumasarineqartut aqqutit atoragit, kisiannili pisortatigoortumik oqariartuuteqarnikkut tusagassiuutitigullu eqqartorneqartutigut?

Akissut:

USA-p præsidentianit siorasaarinerit pillugit nutaarsiassat tusagassiuutitigoortut saniatigullu tiguaaniisaq pillugu siorasaarinerit pineqarpata, malittarisassat nalinginnaasut qaangerneqarput. Partiit akuutinneqarnerinut atatillugu partiit allat naligalugit Naleraq akuutinneqarsimavoq, taamatut tusagassiuutinut nalunaarummi partiit siulittaasuinit tamanit ull. 9. Januar 2026-mi saqqummiunneqartumi Naleraq allatulli ilaavoq.

5. Naalakkersuisut akuersaarsinnaanerlugu - inatsisartut nakkutilliisussaataitanerat eqqarsaatigalugu - amigartumik imaluunniit naammaginangitsumik Inatsisartunut ilisimatitsinerit taamatut ittut Naalakkersuisut nalunaaruteqartussaataitanerannut unioqqutitsinerusoq, aamma taamaattumik Naalakkersuisut siumut isigisumik imminnut pisussaaffilersinnaanerlutik: Inatsisartunit pisinnaatitsissummik peqartigani nunanut allanut politikikkut nalunaaruteqartannginnissamut, aamma qulakkeerluarsinnaanerlugu, allakkatigut aamma piffissaq eqqorlugu partiinut tamanut Inatsisartut suliaannut tunngasuni inuiaqatigiinnut pingaaruteqartuni ilisimatitsinissamut?

Akissut:

Siullermik periarfissaq manna atorlugu eqqaasitsissutigissavara pissaanerup pingasoqiusanngorluni agguagaanera aallaavigalugu Inatsisartut Naalakkersuisullu sulinerat nassuiarneqartarmat, Naalakkersuisut atuutsitsisuupput tamannalu isumaqarpoq aqutsinermik iliuuseqarnermillu suliaqarlutik. Naalakkersuisunik nakkutiginninneq ilaatigut Inatsisartut ataatsimiitsitaliaannit suliarineqartarpoq. Uani pisumi Inatsisartut Nunanut Allanut Sillimaniarnermullu ataatsimiititaliaanit. Nunanut Allanut Naalakkersuisup sapinngisamik annerpaamik ataatsimiititaliaq suleqatigaa. Isumasioqatigiinneq/ilisimatitsilluni ataatsimiinneq ull. 10. December 2025-imi aamma ilisimatitsilluni ataatsimiinneq ull. 28. januar 2026-mi ingerlanneqarput. Tamatuma saniatigut ull. 21. aamma 23. januar 2026-mi Inatsisartut Nunanut Allanut Sillimaniarnermullu Ataatsimiititaliaanik Folketingillu Politikikkut Nunanut Allanut Ataatsimiitsitaliaat ataatsikkut ataatsimoorlutik ataatsimiipput.

Tamatuma saniatigut nunap inissisimanera tunngavigalugu politikimi pissutsini naatsorsoruminaatsuni Naalakkersuisut iliuuseqarnermi peqataapput. Naalakkersuisut naalakkersuinikkut aqutsisuupput qinersisartunik Inatsisartunilu ilaasortanik amerlanerussuteqarluartunik tunuliaqutaqarlutik pissutsillu ajornartorsiorfiusut aallaavigalugit iliuuseqarnermi peqataapput. Naalakkersuisut isumaqarput, suliamik ingerlatsineq pissutsit aallaavigalugit pisimasoq aammalu isiginiagassaalluni piffissami pineqartumi Inatsisartut ataatsimiinnginnerat. Partiit siulittaasui

tamarmik isumaqatigiillutik Inatsisartut siulittaasoqarfiannut 9. Januar
saaffiginnipput suliallu oqaluuserineqarnissaanut piffissamik qinnuteqarlutik,
tamannalu pivoq ull. 30. januar aamma 2. februar 2026-mi.

Med venlig hilsen
Inussiarnersumik inuulluaqqusilluta



Jens-Frederik Nielsen
Naalakkersuisut Siulittaasuut / Formanden for Naalakkersuisut